

Ленинэнь киява

ВЛКСМ-нь Мокшэрзянь обкомонт ды Сарансконь ошонь комитетэнь газетаст

ИЮЛЕНЬ

26 чи,

1937 ио

№ 84 (758)

ЛКСМ

7-це ио
чинь ютазь

ВКП(б)-нь ЦК-нь июньской пленумонтъ итогтнэде

Саранск ошонь партийной активень промксонтъ резолюциязо
Поляков ялганть докладонзо коряс

ВКП(б)-нь ЦК-нь июньской Пленумонтъ итогтнэде Поляков ялганть докладонзо кунсолось ды толковазь, Саранск ошонь партийной активень промксось ве мельсэ шны ВКП(б)-нь ЦК-нь Пленумонтъ решениятнень ды веши ошонь парторганизациянь эрва большевикенть пельде неуклонностъ то павтомс неть решениятнень.

СССР-нь Верховной Советс кочкамотнеде положениянь проектэс, конань швызе ВКП(б)-нь ЦК-нь Пленумось ды кемекстызе СССР-нь ЦИК-нь IV-це сессиясь, прок кочкамонь кеме закон, ашти Сталинской Конституциянь детискакс. Социализмань всемирно-исторической изнявкстнень невитиакс улезь, конатнень минек масторось теинзе большевистской партиянь ды ине вожденть ды учителенть Сталин ялганть руководством коряс, Верховной Советс кочкамотнеде те положениясь обеспечивает трудия массатнень политической активностест од касоманть, государствань управлениясь сынт вовлечениянь, алкукс народной демократиянь тевс ютавтоманть ды робочей классонь диктатуранть икеле пелев кемекстамонть.

Верховной Советс кочкамотнеде положениясь ашти ломантнеде сталинской мелявтомань образцэкс. Сон теи кеме гарантят кочкамонь од системанть коряс минек масторонь граждантинь правасть тевс ютавтомань кис, кона праватнень максынзе Сталинской Конституциясь. Сон вансты минек социалистической родинань граждантинь правасть бюрократической элементтнень эндо возможной покушениянь эйстэ ды народонь врагтнень эндо эрва кодамо посягательстватнень эйстэ.

Партийной активень промксось лови, што ССР-нь Союзонтъ Верховной Советс сыця кочкамотнень анокстамось минек ошсо ды районсо юты лавшосто. Те ашти парторганизациянь весе партийно-политической роботанзо ВКП(б) нь ЦК-нь февральско-мартовской Пленумонтъ решениятнень, те Пленумонтъ Сталин ялганть докладонзо ды заключительной валонзо основаст корис перестройканть аволь удовлетворительностэ молемань результатокс, эщо яла улича самоуспокоенностенть результатокс, робочеень, колхозникенъ ды служащень массатнень ютксо большевистской агитационной роботанть лавшочинть результатокс.

Партийной активень промксось горкомонтъ, весе первичной парторганизациятнень ды башка эрва коммунистэнь пельде веши трудиятнень Советтнэс сыця кочкамотнень анокстамонть аравтомс центральной задачакс. Эрви келейгавтомс большевистской агитациянь массатнень ютксо, кемекстамс трудия келей массатнень марто связенть, возглавить сынт политический касыця активностест, обеспечить Советтнэс минек родинань сехте вадра ломантнень кочкамонть, конат беззаветностэ

преданной минек партиянь теветень, социализмань теветень, трудия депутаттнень Советтнэс а нолдамс народонь врагтнень эцеманть.

Сень кис, штобу минек ошонь ды велень весе граждантинь парсте содавлить Сталинской Конституциянь ды СССР-нь Верховной Советс кочкамотнень порядканть, партактивень промксось горкомонтъ ды первичной парторганизациятнень пельде веши допрок одс аравтомс партийной агитациянь ды нейке жо организовамс ССР-нь Союзонтъ Верховной Советс кочкамотнеде положениянь трудиятнень ютксо толковамонзо, истя жо Сталинской Конституциянь омбоцедэ ды парсте толковамонзо истя, штобу неть важнейшей документтнэ пачкодевелеть вейкенъ-пес весе робочейтнень, колхозниктнень, единоличниктнень кустартнень, служащейтнень, домохозяйкатнень ды лия кочкицятнень сознаниязост.

Партийной активень промксось ледсти весе партийной ды аволь партийной большевиктнень, што народонь врагтнэ, японо-германской агенттнэ—троцкистнэ, зинovieвцтнэ, правойтнэ ды буржуазной националисттнэ—неть шпионтнэ, диверсанттнэ ды машиниятнэ кармить эрва кода снартнэме кочкамотнень тевс ютавтомс эсист контрреволюционной цельтнэсэ. Партактивесь тешксты, што народонь весе врагтнень юрнэк таргсемась ды тапамось ашти Советтнэс кочкамотнень успешнасто ютавтомань, Сталинской Конституциянь тевс ютавтомань ды коммунизмантень минек родинанть изнявкс марто икелев молемань сехте важной условиякс.

Колхозной строесь минек масторсо изнясь допрок ды педепев. Социалистической крупной хозяйствань колхозтнень ды совхозтнень системась теинзе весе условиятнень покш ды кеме урожайтнень туртов, колхозниктнень культурной ды зажиточной эрямонть туртов. Зерновой культуратнень видьметнень вадрылгавтомасо ВКП(б)-нь ЦК-нь Пленумонтъ решениязо ашти колхозной строенть икеле пелев организационной ды хозяйственной кемекстамонть кис, велень хозяйствань производствань качественной показателтнень кепедеманть кис, 7—8 миллиардт пондт сюронь производстводо Сталин ялганть указаниязо тевс ютавтоманть кис бороцямонть боевой программакс.

Партиянь XVII с'ездсэнтъ Сталин ялгась велень хозяйстванть коряс очередной задачакс аравтызе „виде севообороттнэнь теаманть, ванькс паринатнень келейгавтоманть, земледелиянъ весе отраслатнэва видьмень тевень вадрылгавтоманть“.

Неть мероприятиятнень государствань врагтнэ, трудиятнень врагтнэ модань ламо органтиэсэ зярря иень перть сезнестъ, вредительскойстэ човоргавтнестъ семе-

новодстванть ды сезнестъ виде севообороттнэнь теаманть. Вредительтнэ эрва кодат способтнэсэ снартнестъ сеземс зерновой культуратнень таркань кеме сорттнэнь производстванть, полавтнестъ сынт аволь кеме, таркань климатической условиятнень а ладия сорттнэсэ. Вредительствань истят факттнэ ульнестъ Мордовиясьяк, косо те ролектъ топавтестъ народонь врагтнэ, конат эцнестъ МАССР-нь Наркомземс.

Мордовской АССР-нь модань органтиэсэ народонь врагтнэ вестъ подрывной вредительской работа совхозно-колхозной производстванть калавтоманзо коряс, тунда видемань планонтъ сеземанзо коряс, сюракшов крупной ды мелкой скотинань поголовьянь, лишметнень ды тувотнень куловтомас коряс, машинно-тракторной парконть калавтоманзо коряс.

Партийной активень промксось горкомонтъ ды весе парторганизациятнень пельде веши примамс большевистской мерат модань органтиэнь большевистской проверязь вадра кадратнэсэ кемекстамодо Сталин ялганть указаниязо топавтоманть коряс, модань органтиэнь эйстэ кеместэ юрнэк таргсемс кекшезь врагтнень ды машинномс вредительствань последствиятнень.

Партактивесь весе коммунисттнень икелев аравты боевой задачакс—урядамс те иень урожаенть емавкстомо ды шкадо икеле топавтомс государстванть икеле обязательстватнень, организовамс сюронь урядамсто партмассовой работа, колхозтнэнь ды МТС-тнэнь ютксо социалистической келей пелькстамо урядамонь роботатнень качественной вадра показателтнень кис ды государстванть сэрей кондициянь зернань эсь шкасто максоманть кис.

Партийной активень промксось горкомонтъ ды райононь весе первичной парторганизациятнень пельде веши организовамс колхозной массатнень ютксо „Зерновой культуратнень вадрылгавтомас коряс“ СССР-нь СНК-нть постановлениязо тонавтнэманть истя, штобу мобилизовамс колхозной массатнень те решенианть успешнасто топавтомо ды кавто иетнень перть целанек ютамс зерновой весе культуратнень отборной видьмесэ виде, конатнень кастынзе эрва колхозось.

Партийной активень промксось партийной ды аволь партийной весе большевиктнэнь, сехте пек ды икелевгак земельной органтиэсэ роботыцятнень, терди примамс активной участия виде севообороттнэнь теамодо постановлениянь проектэнь толковамос, организовамс те проектэнь толковамонзо колхозной келей активень ютксо, теориясонть ды практикасонть вредительской элементтнэнь каршо

пошадавтомо бороцязь, конат сезстъ ды кармить сеземе виде севообороттнэнь теаманть ды видьмень тевень вадрылгавтоманть.

МТС-тнэнь роботаст вадрылгавтомасо СССР-нь Наркомзементъ предложениятнэ, конатнень ЦК-нь Пленумось максынзе таркань партийной ды советской органтиэненъ толковамос, аштить велень хозяйствань роботань процесстнэнь механизацияст кувалт государстванть эндо колхозной крестьянствантень икеле пелев лездамонть покш мероприятиякс. Партактивень промксось партиянь члентнэнь пельде, сехте пек МТС-нь роботниктнэнь пельде веши покш мельсэ ды парсте ютавтомс те вопросонтъ толковамонзо ды теамс МТС-нь роботатнень качествасть вадрылгавтоманть.

Саранск ошонь парторганизациясь весе партиянь марто вейсэ, ВКП(б)-нь ЦК-нь февральско-мартовской Пленумонтъ решениятнень, те Пленумонтъ Сталин ялганть максось указаниязо тевс кеместэ ютавтомс, тейсь кой-кодот успех народонь врагтнэнь-троцкисттнэнь, правойтнэнь, буржуазной националисттнэнь—японо-германской фашизмань неть агенттнэнь эйстэ эсь рядтнэнь ваньксавтомасо, кемекстынзе эсинэзэ рядтнэнь, кепедизе партийной массатнень революционной бдительностенть. Но те не делжен минек оймавтомс, секс што народонь врагтнэ эщо педепес апак таргсе ды вредительствань последствиятнэ апак машто.

ВКП(б)-нь ЦК-нь июньской Пленумонтъ решениятнень тевс ютавтомас, конат (решениятнэ) максыть кедь-енкс минек масторсо социализманть кемекстамонзо кувалт икеле пелень изнявкстнэненъ, вешить партийной эрва организацианть пельде, эрва коммунистэнь пельде эщо седеяк кепедемс революционной большевистской бдительностенть, тонадомс народонь врагтнэнь муеме ды пошадавтомо юрнэк таргсеме, кодамо бу маска экшс сынъ аволь уле кекшезь.

Партийной активень промксось партийной ды аволь партийной весе большевиктнэнь терди эщо седеяк кеместэ пурнавомс ВКП(б)-нь ленинско-сталинской ЦК-нть перька, партиянь ды трудиятнень ине ды вечкевикс вождентъ Сталин ялганть перька, социализманъ весе врагтнэнь педепес тапамо, коммунистической строентъ допрок победанзо кис бороцямо.

**СССР-нь НАРОДНОЙ
КОМИССАРТНЭНЬ СОВЕТЭНЬ
ПРЕДСЕДАТЕЛЕНТЬ ЗАМЕСТИ-
ТЕЛЕКС А. И. МИКОЯН
ЯЛГАНТЬ КЕМЕКСТАМОДО
СССР-нь Центральной
Исполнительной
комитетэнь
президиумонтъ
постановлениязо**

СССР-нь Центральной Исполни-
тельной Комитетэнь президиумосъ
тейсь постановления:

Кемекстамс СССР-нь Народной
Комиссартнэнь Советэнь председа-
теленть заместителекс Анаста-
Иванович Микоян ялганть, СССР-нь
Пищевой Промышленностень На-
родной Комиссаронтъ.

СССР-нь Центральной
Исполнительной Комитетэнь
председателесь М. КАЛИНИН.

СССР-нь Центральной
Исполнительной Комитетэнь
секретаресь А. ГОРКИН.
Москов, Кремль, 1937 иень
июлень 22-це чи.



А. И. Микоян.

**РСФСР-нь НАРОДНОЙ КОМИССАРТНЭНЬ СОВЕТЭНТЬ
ПРЕДСЕДАТЕЛЕКС Н. А. БУЛГАНИН ЯЛГАНТЬ
КЕМЕКСТАМОДО**

**Всероссийской Центральной Исполнительной Комите-
тэнь президиумонтъ постановлениязо**

Всероссийской Центральной Ис-
полнительной Комитетэнь прези-
диумосъ тейсь постановления:

Всероссийской Центральной Исполнительной Комитетэнь
председателесь М. КАЛИНИН.

Всероссийской Центральной Исполнительной Комитетэнь
секретаресь А. КИСЕЛЕВ.

Москов, Кремль, 1937 иень июлень 22-це чи.

**СССР-нь ЗЕРНОВОЙ ДЫ ЖИВОТНОВОДЧЕСКОЙ СОВХОЗТНЭНЬ
НАРОДНОЙ КОМИССАРОКС Т. А. ЮРКИН ЯЛГАНТЬ
КЕМЕКСТАМОДО**

**СССР-нь Центральной Исполнительной комитетэнь
президиумонтъ постановлениязо**

СССР-нь Центральной Исполни-
тельной Комитетэнь президиумосъ
тейсь постановления:

Кемекстамс Тихон Александро-
вич Юркин ялганть СССР-нь зер-

новой ды животноводческой сов-
хозтнэнь Народной Комиссарокс,
РСФСР-нь Наркомсовхозтнэнь обя-
занностьтнэнь сонзэ лангсто сая-
манть марто.

СССР-нь Центральной Исполнительной Комитетэнь
председателесь М. КАЛИНИН.

СССР-нь Центральной Исполнительной Комитетэнь
секретаресь А. ГОРКИН.

Москов, Кремль, 1937 иень июлень 22-це чи.

**Добровольной спортивной
обществатнэнь, физической культурань
ды спортонь работниктнэнь ды
мастертнэнь награждениядост**

„Динамо“ ды „Спартак“ Весесо-
юзной спортивной обществатнэнь
роботасост пек вадра достижен-
иятнэнь тешкстазь, мезесь макссь
сынест советской физкультурной
движениясонть ветиця роль, СССР-нь
ЦИК-сь тейсь постановления: на-
градить неть обществатнэнь Лени-
нэнь орденсэ.

Физической культурань кадрат-
нэнь анокстамо тевенть пек вад-
рясто аравтаманть кис ды спор-
тивно-физкультурной покш дости-
жениятнэнь кис, физической куль-
турань Белорусской техникумось
награжден Трудовой Якстере Зна-
мьянь орденсэ.

СССР-нь ЦИК-сь тейсь постанов-
ления реорганизовамс физической
культурань Белорусской технику-
монтъ Белорусской Советской Со-
циалистической Республикань фи-
зической культурань институтокс.

ССР-нь Союзонь орденгнэсэ на-
гражденнойть истя жо физической
культурань ды спортонь 47 работ-
никт ды мастерт, СССР-нь спор-
тонь заслуженной мастерэсь—
Н. П. Старостин награжден Лени-
нэнь орденсэ. Трудовой Якстере
Знамьянь орденсэ награжденнойть
8 ломанть, „Знак Почета“ орденсэ
—38 ломанть.

(ТАСС).

Од кочкицянть СССР-нь Верховной Советс кочкамотнеде

Кода закононтъ коряс ютавтовить прямой кочкамотне

Сталинской Конституциясонть
мерезь, што Советтнэс депутат-
тнэнь кочкамотне аштить пря-
мойкс.

Прямой кочкамокс ловови истя-
мо порядок, конань пингстэ эр-
ва кочкицясь непосредственна го-
лосови государственной властенъ
органтнэс те эли тона кандида-
гонтъ кис.

СССР-нь од Конституциядонть
икеле прямой кочкамот минек
ютавтневсть ансяк ошонь ды ве-
лень советтнэс. Неть советтнэс
депутаттнэнь ошонь эли велень
трудиятне непосредственна коч-
килизь кочкамонь эсисст промкс-
тнэсэ. Вере аштиця советской ор-
гантнэс кочкамотнэнь ютавтни-
лизь уш трудиятнэнь предста-
вительтне—советтнэнь с'ездэнь
делегаттнэ. Ошонь ды велень со-
веттнэ кочкильть делегатт со-
веттнэнь районной с'ездэв. Совет-
тнэнь районной с'ездэс кочкиль
районной исполнительной коми-
тет ды советтнэнь областной
(краевой) с'ездэв делегатт. Истямо
жо порядоксо кочксевильть влас-
тенъ весе вере аштиця органтнэ.
Государственной властенъ выс-
шей органокс ульнесь Совет-
тнэнь Весесоюзной С'ездэс, косо
кочкильть СССР-нь Центральной
Исполнительной Комитет.

Кочкамонь истямо системась
ульнесь многостепеннойкс. Ис-
торически сон эсь приязно оправ-
дал. Сень лангс апак вано, што
кочкамонь многостепенной систе-
манть ульнест асатыксэнзэ, яла
теке сон максиль советской влас-
тенъ руководящей органтнэнь
эрявикс живой связь трудия мас-
сатнэнь марто. Аволь прямой коч-
камотне, кода эсь шкасто корт-
несь Ленин, весе аппаратонтъ теи-
лизь „седе дешувакс, седе под-
вижнойкс, седе доступнойкс ро-
бочейтнэнь туртов ды крестьян-
тнэнь туртов истямо шкасто, зяр-
до эрямось лаки ды вешевы, што-
бу сех куроксто улелель воз-
можность отозвать местной эсь
депутатонтъ эли кучомс сонзэ со-
веттнэнь вейсэн с'ездэв“. (XXIII-це
том, 350 стр.).

Минек масторсонть социалисти-
ческой строенть изнявкстнэ, ве-
ленть марто ошонть сьолмавома-
зо пек седе кемелгадомась, мас-
сатнэнь культурной ды полити-
ческой активностест касомась
макссть возможность теемс ике-
лев покш эськелькс кочкамонь
минек системанть демократизаци-
янть тевсэнтъ ды многостепенной
кочкамотнэнь полавтомс пря-
мойкс.

СССР-нь од Конституциясь
аравть прямой кочкамот ды тень
коряс полавтызе государственной
властенъ органтнэнь строенияст.
Ней Советтнэнь с'ездт—район-
нойть, областнойть, республикан-
скойть, весесоюзнойть—а кармить
улеме. СССР-сэ государственной
властенъ высшей органокс карми
улеме Советтнэнь аволь Весесоюз-
ной с'ездэс, но Верховной Совет-
тэсь, конатнэнь непосредственно
кочки населениясь. Истя-жо союз-
ной ды автономной республикат-
нэсэ государственной властенъ
высшей органокс кармить улеме
союзной республиканть эли
АССР-нтъ соответствующей Вер-
ховной Советтнэ. Местной весе

органтнэнь истя жо карми кочка-
мо непосредственна населениясь.

Кочкамонь законось (СССР-нь
Верховной Советс кочкамотнеде
положениясь) обеспечивает Вер-
ховной Советэнтъ прямой кочка-
мотнэнь тевс ютавтаманть Закон-
сонть евтазь, што эрва кочкицясь
непосредственна голосови кода
Союзонть Советс, истя жо Нацио-
нальносттнэнь Советс те эли тона
кандидатонтъ кис (80-це статья).

Представительной весе учреж-
денийтнэс прямой кочкамотне лез-
дыть советской властенъ органтнэ-
нэнь седе кемест сьолмавомс тру-
диянть келей массатнэнь марто,
седе парсте обеспечивает сынст
интересэст. Прямой кочкамотнэнь
пингстэ кочкицятнэнь эрва груп-
пась парсте соды, кинь сон кочки,
кинь пельде сон может вешемс
отчет.

Прямой кочкамотне седе шо-
далгавтыть кочкицятнэнь контро-
ленть сынст депутаттнэнь робо-
таст лангсо. СССР-нь Сталинской
Конституциясонть жо (истя жо, ко-
да советской икелень конститу-
циятнэсэ) мерезь, што депутат-
тнэ обязаны кочкицятнэнь икеле
тейнемс отчетт эсисст роботадост
ды трудиянть депутаттнэнь Совет-
тнэнь роботадост. Эрва депута-
тось сех ламо кочкицятнэнь реше-
нияст коряс может улемс эрва
шкасто отозван, бути сон а топав-
ты народонтъ мелензэ.

Интересна тешкстамс, што бур-
жуазной мастортнэс парламент-
тнэнь депутаттнэ аволь подотчет-
нойть эсисст кочкицятнэненъ ды
мезеньгак кис а ответить сынст
икеле. Секс самай буржуазной
депутаттнэ кочкамотнеде икеле
народонтъ маншить эрва кодат
чаво алтнемасо, кочкамотнеде мей-
ле жо сынст овси стувтнесызь.

Ансяк Советской Конституциясь
кочкицятнэненъ максы права ве-
шемс отчет сынст кочкавт депута-
тонтъ пельде ды права сень кис,
штобу отозвать эсь депутатонтъ,
бути сон а топавты сынст мелест.
Те—вейке условия алкуксонь де-
мократиянь условиятнэнь ютксто.
Выборной куш кодамо учрежде-
ниясь эли представительтнэнь
промксось, кортась Ленин, может
улемс алкукс демократической ды
народонтъ мелензэ алкукс предста-
вляющейкс ансяк се условиятнэ
пингстэ, бути ули ды тевс ютав-
тневи истямо права, конань коряс
кочкицятне могут отозвать сет-
нэнь, кинь кочкизь сынъ.

Се шкане, зярдо Советской Союз-
сонть тевс ютавтовить государст-
венной властенъ весе органтнэс
прямой кочкамот, капиталистиче-
ской мирсэнтъ яла седеяк ламо
масторт ве енов тукшныть прямой
кочкамотнэнь системанть эйстэ.
Прямой кочкамотне яла седе сеedy-
стэ полавтневить чиновниктнэнь
верде назначениясо.

Фашистской мастортнэсэ алкук-
сонь тевсэ парламентэнтъ кочксе-
ма ней а ютавтитъ. Истя, фашист-
ской Германиясо келейстэ ютав-
тневи се, што парламентэнь член-
тнэнь назначакшны Гитлер.

Но мик капиталистической сетъ
мастортнэсэ, косо эщо кой-мезе
кадовсь буржуазной демократиянтъ
эйстэ, прямой кочкамотне ютавте-
вить ансяк алсе палатанть теемстэ.

(Пезз 3-це страницасо).

Пенькоджутовой комбинатонь комсомольской организациянтъ тевтнеде-валтнеде

ВКП(б)-нь ЦК-нь Пленумсо Сталин ялганть докладонзо ды заключительной валонзо, ВЛКСМ-нь ЦК-нь 3-це пленумонть решениянтень тонавтсь Саранскоень пенькоджутовой комбинатонь эрва комсомолецсь.

Весе комсомолецтне парсте анокстась отчетно-кочкамо промксонть. Те промксось ульнесь июлень 17-це чистэ, косо тейсь отчет ВЛКСМ-нь комитетэнь секретаресь Чуприков. Сон эсь отчетонзо теизе аволь самокритична ды эзинзе тарга лангс критикань ды самокритикань зажимщиктнень. Тешкстызе ансяк сень, што ВЛКСМ-нь комитетэсь сех ламо занимался комитетэнь члентнень ютксо-склокатнень разборсо, но весе комсомольской организациянтъ ды аволь союзной од ломантень ютксо-воспитаниядонть валгак арасель евтась.

ВЛКСМ-нь икельксэнь комитетэсь ульнесь вете ломанть: Чуприков, Ситников, Серебряков, Кремляков, Пеганов. Весе неть члентнэ эрва чи почти кочкиль лия секретарь.

Тевесь сеньсэ, што комбинатонь технорукось Зубов кода сась Кузнецкойста Саранское, усьсэ эсь мартонзо „сынсест“ ломанть, конатнень ютксо-улитъ комсомолецткак. Зубов „эсь ломанензэ“ кармась ладсеме ответственной таркава, конат кармась эсь прятветямю Зубовонь енов „по-свойски“, комсомолецтнень ды од ломантнень марто жо преступна.

Кремляков, Серебряков, Пеганов, Белова цехсэ рабочейтне лангс яла пижниль, браниль виськсвалсо, а видестэ таркаваст ладсекшнызь (перемещали) рабочейтнень, тандавтенсть комбинатсто роботасто панемасо, кирвастиль национальной вражданть, севыль коренной национальностень работницатнень (а маштат кортамо рузокс, а маштат роботамо, кода рузнэ ды лият).

Технорукось Зубов тормозась ды тормози стахановской движениня кастома теветь.

Весе неть простнэ ульнесь аравтоз ВЛКСМ-нь комитетсэ, но комитетэнь секретаресь Чуприков кадовкшнось ськамонзо, кияк тензэ зы лезда. А парткомось, а

ошонь комитетэнь члентнэ Локтаев, Сысуев—мезеяк эзьт тейть. Апак вант сень лангс, што сын (Локтаев ды Сысуев) весе неть тевтнеде содыльть ды ульнест неть простнэнь кувалт кортнемстэ промкстнэсаяк.

Секс Кремляков, Пеганов ды Серебряков лепштась критиканть ды самокритиканть кода производствасо, истя жо комсомольской организациясояк.

А истяк те группань члентнень ютксо ульнесь винадо симема, а истяк жо сын понгсь фабкомс кочкамо-кандидатокс ды голосованиянь шкасто рабочейтне кандидатураст коряс тешкстыль: „жулик“, „губия“, „пьяница“ ды лият.

Ней чаркодевсь парткомонтень ды ВЛКСМ-нь ошонь комитетэнтеньгак мекс незэнзэ вейкеяк арасель примазь комсомолс од ломань ды мекс 500 аволь союзной од ломантнень ютксо-комсомолс ансяк 26 ломанть. Чаркодевсь сеяк, мекс эзьт робота ВКП(б)-нь ды политграмотань кутжоктнэ ды беряньстэ аштесь тевесь стахановской движенинят марто.

Промксонть 19 комсомолецтнэ ютксо-кортасть 16 комсомолецт, конат пек критиковизь комитетэнтъ роботанзо, ошонь комитетэнтъ ды обкомонтъ берянь лездамонзо.

Данилина кортасть седе, кода сон цеховой промкссо кортасть Серебряков ланга ды кода мейле Серебряков тензэ мерсь се ланга, што сон, Данилина, не имеет права критиковамс мастерэнь помощникенть-комсомолецэнтъ Серебряковонь.

Белов кортасть седе, што Сталинской Конституциясь тонавтоз беряньстэ, комсомолецтнэ аздасызь.

Бухтоярова кортасть седе, што Пеганов ды Мальсунов симкшныль винадо, тейниль роботницатнень лангс гоненият ды лият.

Комитетэнтъ роботанзо ловизь аволь удовлетворительнойкс.

Закройтой (тайной) голосованиясо кочказь комитетэнь членксвана китъ: Белов, Артемова, Инсаркин, Куличков, Чуприков. Комитетэнь секретарекс кочказь Белов ялгась.

И. Дьяков.



В. И. ЛЕНИНЭНЬ ЦЕНТРАЛЬНОЙ МУЗЕИ
СНИМКАСОНТЬ: В. И. Ленин лиси зданиястонть, косо
1918 иень августонь 28 чистэ мольсь просвещения коряс Все-
российской 1 С'езд.

Кочкамонь хроника

(Даннойтне сазэ июлень 20-це чис)

АРДАТОВАНЬ РАЙОН

Районсонть комсомольской первичной 34 организацият. Отчетно-кочкамонь промкст ютавтоз 27 организациява. Промкстнэсэ эрволь бу улемс 448 комсомолецтнэнь, ульнест жо ансяк 377 комсомолецт. Прениясо кортасть 141 комсомолецт. Роботась лавшокс 17 организациясо. Руководящей роботас васенцеде кочказь 21 ломанть.

ДУБЕНКАНЬ РАЙОН

Районсонть ВЛКСМ-нь первичной 28 организацият. Отчетно-кочкамонь промкстнэ ютавтоз весе организациятнева. 280 комсомолецтнэнь таркас, конатнэнь эрволь бу улемс промкстнэсэ, ульнест 244 ломанть. Прениясо кортасть 162 ломанть. 20 организациятнень роботаст лавшокс 11 комсомолецт руководящей роботас кочказь васенцеде.

ИНСАР

Районсонть первичной 45 организацият. Отчетно-кочкамонь промкстнэ ютавтоз 44 организациява. Промкстнэсэ ульнест 534 ломанть, 71 комсомолецт жо промкссо арасельсь. Прениясо кортасть 256 ломанть. Роботась лавшокс 19 организациясо. Васенцеде кочказь руководящей роботас 17 комсомолецт.

ИЧАЛКА

Районсонть весе первичной 32 организациятнева ютасть отчетно-кочкамонь промкст. Промкстнэсэ эрволь бу улемс 396 комсомолецтнэнь, ульнест жо ансяк 338. Прениясо кортасть 159 ломанть. Первичной 15 организациятнень роботаст лавшокс 22 комсомолецт руководящей роботас кочказь васенцеде.

КОЗЛОВКА

Районсонть комсомольской 23 организацият. Кочкамотне ютавтоз весе организациятнева. Промкстнэсэ 289 комсомолецтнэнь таркас ульнест 259, эйстэст прениясо кортасть 180 ломанть. 8 организациятнень роботаст лавшокс аволь удовлетворительнойкс. Руководящей роботас васенцеде кочказь 16 ломанть.

ЛАДА

Кочкамотне ютавтоз первичной весе 24 организациятнэсэ. Отчетно-кочкамонь промкстнэсэ должны улемс 168 комсомолецт, ульнест 152, прениясо кортасть 109 ломань. Роботась лавшокс 10 пер-

вичной организациясо, 16 ломанть руководящей роботас кочказь васенцеде.

РЫБКИНА

Районсонть комсомольской первичной 17 организацият. 16 организациятнева ютасть отчетно-кочкамонь промкстнэ. 255 комсомолецтнэнь таркас, конатнэнь эрволь улемс промкстнэсэ, ульнест ансяк 220. Прениясо кортасть 137 ломанть. 4 организациятнень роботаст лавшокс аволь удовлетворительнойкс. 8 комсомолецт руководящей роботас кочказь васенцеде.

РОМОДАНОВА

Районсонть комсомольской первичной 30 организацият. Отчетно-кочкамонь промкстнэ ютавтоз весе организациятнева. Промкстнэсэ эрволь бу улемс 362 комсомолецтнэнь, ульнест жо 316, эйстэст прениясо кортасть 288 ломанть. Первичной 18 организациятнень роботаст лавшокс аволь удовлетворительнойкс. 19 комсомолецт кочказь васенцеде.

ШАЙГОВА

Комсомольской первичной 21 организациятнэнь эйстэ районганть кочкамотне ютавтоз 19 организациясо. Отчетно-кочкамонь промкстнэсэ ульнест 135 комсомолецт, эрволь бу улемс 152 комсомолецтнэнь. Прениясо кортасть 103 ломанть. 16 организациятнень роботаст лавшокс аволь удовлетворительнойкс. Руководящей роботас 8 комсомолецт кочказь васенцеде.

ЛЯМБИРЬ

Районсонть парвичной 34 организацият. 28 организациясо ютавтоз отчетно-кочкамонь промкстнэ. Промкстнэнь эйсэ эрволь бу улемс 330 комсомолецтнэнь, ульнест жо 292. Прениясо кортасть 119 ломанть. Аволь удовлетворительнойкс роботас лавшокс 11 организациясо. 21 комсомолецт руководящей роботас кочказь васенцеде.

АТЮРЬЕВА

Районсонть комсомольской первичной 30 организациятнэсэ 27 организациясо ютавтоз отчетно-кочкамонь промкст. 301 комсомолецтнэнь таркас, конатнэнь эрволь улемс промкстнэсэ, ульнест 279. Прениясо кортасть 156 комсомолецт. 14 организациятнень роботаст лавшокс аволь удовлетворительнойкс. 14 комсомолецт руководящей роботас кочказь васенцеде.

Коде законотъ коряс ютавотить прямой кочкамотне

(П Е З Э)

Малав весе буржуазной мастортнэсэ парламенттнэсэ кавтонь-кавтонь палатат: алце ды верце. Алце палатась эсинзэ составонзо коряс ашти седе демократическойкс. Верце палатасонть эрсит ансяк помещиктнэнь ды крупной буржуазиянтъ представительть.

Франциясо сенатонть верце палатань члентнэнь кочки аволь населениясь, но специальной выборщикт, конань кочксезь муниципальной советтнэ. Верце палатанть кочкамонь истямо порядокось французской буржуазиянтень макстни сенатонть истямо состав, кодамо эряви сонензэ (буржуазиянтень), секс, што велень муниципальной советтнэ, конатнеде Франциясо сех

ламо, формировакшныть сех пек кулактнэнь ды консервативной собственниктнэнь эйстэ.

Англиясо верце палатанть мик а кочкитькак, сонзэ назначахны королесь.

Истямо ладсо, капиталистической весе мастортнэсэ прямой кочкамотне пек ограниченной эли ови а ютавтневить. Ансяк Советской Союзосэ последовательнойста ютавты государственной властен аволь ансяк алце, но истя жо сех высшей органтнэнь демократической, прямой кочкамонь системанть.

(„Комсомольская правда“).

КАВТО КОВТ ПЕЛЕВЕ ЕНО ПОЛЮССО

Июлень 21 чистэ топодсть кавто ковт се чиденть мейле, зярдо Пелеве ено полюссо теезель полярной станция. Зимовкань начальникесь—Советской Союзонь героесь Папанин ялгась ды зимовкань радистесь Кренкель ялгась пачтясть куля, што дрейфующей ээнтэ лангсо 2 ковань перть улемстэ, зимовщиктнэнь обстановку тонадовсь. Зимовкань эрямонь весе распорядокось аравтозистя, кода бу теёмс научной седеламо наблюдения.

Зимовщиктнэ таштасть научной ламо материалт. Од ученойтне Ширшов ды Федоров кой-как кенерить лангсост роботамо. Сынэ уточняют научной наблюдениянь сехте интересной таркатнень ды ветить дополнительной научной роботат. Гидрологической станциянь материалтнэнь обработку седедсть кармавты Ширшовонь роботамо суткань перть. Ней

аравтоз уш, што натой 3 тыщат метрань домка-чисяк эрять животнойт.

Научной весе наблюдениятнень конечной результатокс карми улем точнейшей, кинь ендояк неоспоримой ды непоколебимой представления полярной бассейнанть центральной пелькстэнэ.

Меельсе читнестэ полюссонть ульнесь лембе—0 градус ды 1 градус лембе. Ээнтэ лангс появаст эрктэ сынэ кармавтыть зимовщиктнэнь куманжа видьга ведсьэ кантлемс запасной базатнестэ од таркав тоннат грузт кедь лангсо.

Радиограмматне зимовщиктнэнь аштит газетакс ды книгакс. Сынэ теить тенст покштояк покш кенардкс. Папанин ды Кренкель ялгатне энялдыть весень икеле сермалемс тенст седе ламо ды седе седедсть.

(ТАСС).

Григошин писательденть

Мокшэрзянь писательтнень союзось умок яла снартнесь ванномс Григошин писателенть творчестванзо, лангс таргамс сонзэ вагионалистической ды политической ильведкстнэнь.

Ансяк июлень 22-це чистэ ютавтось писателень союзонь правлениянь келейгавтозь заседания.

Максозель вал Григошиннэнь. Сон кортась цела час ды мезеяк эзь епта эсинэз ильведкстнэде. Виде, сон общей валсо мерсь, што ульнестэ ды улитэ творчестванзо националистической ильведкст, политически а виде таркат. Сень таркас, штобу евтнемс мекс сынэ лиссть, кодамо произведениясо сех покш асатыксэнэ, Григошин, эсь пранзо а чумокс невтеме бажазь, снартнесь весе теветь, весе сталмонть каямс киньгак лия лангс. Сон чумондсь Куторкинэнь, чумондсь лиятнэнь. Но вейкеяк вал эзь епта сетроцкистско-контрреволюционной икелесь валдонть, конань сонзэ „Од велень гайге-мат“ васень сборникэнэ лангс сермадызе народонь врагось Дунышин.

Тевесь аволь ансяк Дунышинэнь контрреволюционной статьясонть. Тевесь сеньсэ, што „Од велень гайге-мат“ сборниксэнь стихтнэяк аштит минек советской велетнень лангс, трудиятнень лангс, од эрямонть лангс зыянов кенгелемакс.

Григошин мезеяк эзь епта „Од вий“ сборниктэнэ, конаньсэ весе антихудожествадонть, лабордомадонть башка улитэ политической покш асатыкст, конат граничат контрреволюция марто. Те сех парсте неяви те сборниксэнь печатазь „Од вий“ поэмастонть, кона педепев фальшивой ды зыянов. Тосо а видестэ невтезь колхозонь паксясо бригадатнень роботаст, а видестэ невтезь классовой борьамось ды контрреволюционной вылазкакс ашти поэманть пезэ.

Охин ялгась кортась Григошинэнь „Тол панда“ сборниктэнь (эйкакшонь евтнемат), конань сон Мордгизэв макстнэзе нолдамонь кис. Невтезь, кодат покш ильведкст Григошин теиь тозонь пурназь евтнематнесяк. Лангс таргазель Григошинэнь „Колхозонь паксява“ ды „Поздоровт теть, Мордовия“ сборниктнэсэ покш ильведкстнэ ды асатыкстнэ. Невтезь Григошинэнь келенть беднойчизэ. Вейкеяк произведениясонзо

арасть художественной образ, социалистической реализма, поэзия. Сонзэ весе стихэнэ ды поэманзо, истя жо евтнеманзояк сермадозь коськстэ, эрва кода тапарязь.

Григошин малав уш колмо иеть яла лаборды „Цветок молодости“ роман лангсо роботамодонзо. Зярдо кевкстизь, мезе жо сон теиь, савсь тензэ отвечаемс, што сермадсь ансяк 50 страницат.

Заседаниясонть кортыцятне вемельсэ мерсть, што весе сеть произведенийтнень эйстэ, конатне ваннозельтэ, вейкеньгак арась художественной ды политической самостоятельной значениязо ды сынст эйсэ покш ильведкст.

Зярыя кортыцят евтнест, што Григошин сюлмавозель народонь врагтнэнь—Арапов, Чесноков, Галаев ды лиятнэнь марто. А сеповиксэкс ашти се, зярдо Григошин эсь нахальстванзо коряс сайнесь писателень союзстонть кураторов путевка, минзе ки соды кинень, ды ярмактнэнь, апак визде путынзе зепс. Те вопросонть толковиксылизь писателень союзонть правлениясо, но Григошин лезкс мельга молись Араповнэнь ды сон эзь мере кепсемс Григошинэнь каршо „а эрвикс тевть“. Писателень союзось эсь сокор-чинзэ ды беспечностензэ кувалт кунцолызе народонь врагонть—Араповонь ды те-весь кадозель.

Григошин эсинзэ подхалимстванзо ды лестензэ кувалт МАССР-нь Наркомпроссто Вожадевень пельде а видестэ получась премия мокшэрзянь литературасонть „покш заслугатнэнь“ кис.

Заседаниянь кой-кона участниктнэ мернест Григошинэнь панемс писателень союзонь членстэ. Но сех ламотненень, истя жо Ильфкнэнь фактнэ ульнестэ эщо „аволь сатышкат“ ды теветь кадызь апак реша.

Григошин не заслуживает кантлемс советской писателень союзонть членэнь покш ды почетной элемент. Бути уш вопросось кадозь апак реша, эрви одс ды парсте ванномс Григошинэнь весе творчестванзо, ванномс сонзэ „Од вий“ учебникэнэ, содамс, кода Григошин сюлмавозель народонь врагтнэнь марто ды решамс—может ли сон улемс писателень союзонть членкс? Арась, не может улемс.



ПЕЛЕВЕ ЕНО ПОЛЮСОВ СОВЕТСКОЙ ЭКСПЕДИЦИЯСЬ
СНИМКАСОНТЬ: оленень нурдось, конасонть ненецтнэ
сакшность Нарьян-Маров экспедициянь самолеттнэнь ваномо.
Фотось Союзфотонь.

МАДРИДСКОЙ ФРОНТСОНТЬ БОИТНЕ

МЯТЕЖНИКТНЭНЕНЬ ДЫ ИНТЕРВЕНТТНЭНЕНЬ
ТЕЕЗЬ ПОКШТ ЕМАВКСТ

Центральной фронтсонть республиканской войскактне успешно кемекстыть од позициятнень, конатнень сынэ занизь Мадридэнь эйстэ чи валгома ено. Фашистской интервенттнэ ды мятежиктнэ нейгак яла пурныть вийть Мадридэнь малав, виев атакасо снартнить мекев саемс территориянтэ, конань занизь республиканецтнэ. Героической республиканской войскактне аволь ансяк тапситэ фашисттнэнь ламо атакаст, но истя жо молиять икелев. Фронтонть чи валгома ено участкасо интервенттнэ ды мятежиктнэ панезь мик Пералес леэнтэ чирес. Республиканецтнэ занязь покш губорькс (холм) те леэнтэ маласто. Республиканецтнэ истя жо сайзэ Кумбр веленть ды одс эцестэ икелев Махадаонда веленть енов. Республиканской войскактне атаковизь фашисттнэнь позицияст Тахо леэнтэ эйстэ пеле-чи ено участкасонть ды противникентень теиь покш емавкст.

Парсте действует республиканской авиациясь. Июлень 22-це чистэнь республиканской истребительтнэ эскадрилья пансь фашистской зярыя самолетт, конат снартнест бомбардировамс Алкала ошонть, Мадридэнь эйстэ пеле-енкс марто чи лисема ено. Секе жо чистэнь правительственной самолеттнэ успешно бомбардировизь фашисттнэнь военной сооружениятнень Навалькарнеро ошонть маласо.

Мадридской фронтсонть бойт-

несэ июлень 6-це чистэнь (зярдо ушодовсь республиканецтнэнь наступленияст) фашисттнэнь ютксто 10 тыщат маштозь ды ранязь, 2 тыщадо ламот саезь пленс, саезь 90 самолетт, 30 орудият.

Колмо недлянь ютамодо мейле фашистской артиллериясь июлень 22-це чистэнь чокшнэ ды июлень 23-це чистэнь валске марто варварски бомбардировизе Мадридэнь. Ламо снарядт прасть ошонть куншкас. Маштозь ды ранязь малав 170 ломанть.

Мятежиктнэнь „Канаркас“ крейсеразь июлень 23-це чинть каршо вестэнь леднесь Барселонанть лангс. Маштозь 5 ды ранязь 15 ломанть.

Фашистской авиациясь меельсе читнестэ виензынзе бандитской налеттнэнь республиканской Испаниянь оштнэнь ды велетнень лангс, конат васолот военной действиянь районтнэнь эйстэ ды арась военной кодамоак значенияст. Кольменар-Виехо ошонть (Мадридэнь эйстэ пелеве ено) фашистской авиациянь ендэ бомбардировкадонть мейле маштозь малав 50 ломанть ды ранязь 100 ломанть. Фашисттнэ ламо бомбат ертстэ Кинтанор де ля Орден (Толедонть провинция) вишкине ошкенть лангс. Мирной эрицягнэнь ютксто маштозь 5 ломанть, 12 ломанть пек ранязь ды 20 ломанть шождынестэ ранязь.

(ТАСС).

Швейцариянь рабочейтнэнь солидарностест Испаниянь народонть марто

Вена, июлень 23-це чи (ТАСС). Сень кувалт, што топодсь уш цела ие, кода Испанской республикась вети бороцямс фашистской мятежиктнэнь ды интервенттнэнь каршо,—Швейцариясо рабочеень организациятне ютавтуть испанской народонтень „леждамонь недля“, конань шкасто тейнить покш ми-

тингт ды пурныть ярмакт испанской народонтень леждамонь фондс. Неть читнестэ Цюрихсэ ды Базеласо коммунистической партиясь ютавтэ Испаниянь фронттнэсэ маштозь швейцарской антифашисттнэнь ледстнемга промкст.

Редакционной коллегия